



**UNIT KOMUNIKASI KORPORAT JABATAN
PERIKANAN MALAYSIA
BERITA PERIKANAN HARI INI**

**08 Oktober 2024
05 Rabiulakhir 1446H**

SENARAI AKHBAR	TAJUK
Utusan Malaysia	•
Berita Harian	•
Harian Metro	•
Kosmo !	• Kerjasama agensi pertanian memudahkan proses banci
Sinar Harian	• Ikan asing ranapkan tebing sungai • 28,000 ekor sudah ditangkap tapi sungai masih dijajah • Ganjaran buru 'serigala merah' di Selangor • Aligator gar, ikan bongkok antara 49 ikan larangan dirampas
The Star	•
New Straits Time	•
Nanyang Siang Pau	•
Malaysia Gazette	•
The Sun	•
Malaysiakini	•
Bernama	•
Borneo Post (KK)	•
Guan Ming Daily	•
Sabah Media	•

UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN	/	THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF	/	NEUTRAL			2-3	8.10.2024

Ikan asing ranapkan tebing sungai

Dorong hakisan, antara punca tanah, jalan raya runtuh

Oleh **NOR SYAMIRA LIANA**
NOR ASHAHA
SHAH ALAM

Peningkatan mendadak jumlah ikan bandaraya di sungai utama berhampiran kawasan bandar mampu mempercepat proses hakisan tebing sekali gus boleh mencetuskan kejadian tanah dan jalan raya runtuh.

Pakar Penyakit dan Ekologi Ikan, Jabatan Biologi Fakulti Sains Universiti Putra Malaysia, Profesor Dr Mohammad Noor Amal Azmai berkata, pertambahan itu direkodkan hasil daripada data penyelidikan dan pemerhatian terhadap situasi semasa.

Menurutnya, ikan bandaraya akan membuat lubang sedalam satu hingga dua kaki untuk mengawan dan melepaskan telur yang telah disenyawakan.

"Disebabkan ikan ini wujud dalam jumlah besar, maka lubang yang dibuat di tebing-tebing sungai, parit dan terusan



Ikan bandaraya ibarat musuh kepada ikan asal selain menjadi ancaman kepada alam sekitar.

akan turut bertambah. "Lubang ini akan menyebabkan struktur tanah poros, berlubang dan lemah. Keadaan itu secara tidak langsung mendorong kepada runtuh-tanah dan tebing di sepanjang sungai," katanya kepada *Sinar Harian*.

Tambah beliau, ruang yang dihasilkan itu juga boleh mengubah landskap tebing sungai dengan mendapan tanah dan risiko berlaku jalan runtuh jika lubang tersebut begitu ekstrem.

"Situasi ini bukan sahaja memberi kesan kepada habitat

sungai malah manusia juga. Jika ikan bandaraya mengorek tebing sungai begitu dalam maka tidak mustahil, jalan raya akan runtuh," ujarnya.

Kata Mohammad Noor Amal lagi, ikan berkenaan juga tidak disukai pengusaha kolam ikan kerana ia akan membuat lubang yang melemahkan struktur tebing. Jelasnya, kerosakan yang terjadi disebabkan ikan asing itu akan meningkatkan kos pembaikan tebing kolam ternakan.

Mohammad Noor Amal turut memberitahu ikan asing semakin mendominasi perairan air tawar tempatan sehingga memberi impak negatif kepada biodiversiti dan ekologi habitat tersebut.

Antara jenis ikan tersebut termasuklah bandaraya, baung ekor merah, tilapia, keli afrika, patin siam, peacock bass dan midas cichlid.

Sementara itu, Presiden Persatuan Ekologi Malaysia, Profesor Dr Ahmad Ismail berkata, akibat kurang pengetahuan dan kesedaran tentang risiko melepaskan ikan peliharaan ke habitat semula jadi air tawar termasuk sungai dan tasik menyebabkan ikan asing semakin mendominasi kawasan berkenaan.

SPESES UTAMA IKAN PENJAJAH DI SUNGAI MALAYSIA



IKAN ASAL YANG TERANCAM

- kelah
- temoleh
- jelawat
- lampam
- tengalan
- kera
- terbul
- sebarau
- baung
- udang galah

6 SUNGAI 80 PERATUS DIHUNI IKAN ASING

- Sungai di Lembah Klang
- Sungai Kuyoh
- Sungai Klang
- Sungai Keroh
- Sungai Jinjang
- Sungai Gombak
- Sungai Batu

Sumber: Jabatan Perikanan Malaysia



Keadaan tebing sungai yang dikorek oleh ikan bandaraya.



MOHAMMAD NOOR

AHMAD ISMAIL

Jabatan Perikanan; Jabatan Pengairan dan Saliran; Kementerian Sumber Asli dan Kelestarian Alam (NRES) serta universiti.

Jelas beliau, NRES wajar menubuhkan satu jawatankuasa pakar berserta dana khas dalam usaha menamatkan ancaman spesies asing berkenaan.

"Penyelesaian segera diperlukan sebelum ia lebih parah kerana masih banyak maklumat tentang kepelbagaian biologi ekosistem akuatik yang belum diketahui.

"Ikan asing ini khususnya bandaraya dikatakan sangat cepat membiak dan merosakkan tebing sungai sehingga boleh menyebabkan ia runtuh selain memberi kesan jangka panjang berupa hakisan," jelas Ahmad.

Menurutnya, ikan asal seperti sebarau, temoleh, toman, lampam sungai, baung, kelah dan lain-lain tidak mampu bersaing dengan ikan asing.

"Perkara ini tidak boleh dipandang ringan kerana ia sedang mengancam kepelbagaian biologi negara," katanya.

Ahmad menggesa agar kajian terperinci dilakukan segera melalui

UTUSAN MALAYSIA	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN: POSITIF		NEGATIF	NEUTRAL	3	8-10-2024

22 tan ikan bandaraya berjaya ditangkap dalam tempoh dua tahun

SHAH ALAM

Kemerosotan hidupan asal akibat ancaman ikan bandaraya dan baung ekor merah menjadi punca utama kewujudan komuniti pemburu ikan asing di negara ini.

Pengasas Pertubuhan Komuniti Pemburu Ikan Bandaraya, Mohamad Haziq A Rahman berkata, dia memulakan pemburuan ikan tersebut pada penghujung tahun 2022.

"Jumlah keseluruhan tangkapan daripada ekspedisi pertama sehingga September 2024 adalah 28,058 ekor dengan berat 22 tan atau 22,000 kilogram secara keseluruhan.

"Jumlah itu merangkumi tangkapan di beberapa negeri termasuk Kedah, Pulau Pinang, Perak, Selangor, Negeri Sembilan, Johor dan Kuala Lumpur," katanya kepada Sinar Harian.

Menurutnya, Selangor dan Kuala Lumpur mencatatkan tangkapan paling tinggi khususnya di Lembah Klang.

Tambahnya, dapatan untuk lapang jam pencarian ikan bandaraya di Sungai Klang dan Sungai Langat



boleh mencecah seberat 10 tan.

Ditanya mengenai kos untuk menangkap ikan asing itu, Mohamad Haziq berkata, pihak persatuan menempah jala khas berharga RM500 seunit untuk perburuan ikan bandaraya.

"Dalam usaha menangkap ikan asing ini, jala yang dijual di kedai tidak boleh digunakan kerana material dan jalinan antara tali tidak sesuai.

"Jadi kita akan tempah jala khas yang dibuat menggunakan tangan. Setiap tiga atau empat kali penggunaannya, ia perlu diselenggara (perbaiki koyakan dan tali yang putus)," ujarnya.

Seorang lagi pemburu ikan bandaraya, Mohd Nur Badri Mat Sidik, 42, berkata, dia menyedari hidupan berkenaan mula mendominasi apabila aktiviti memancing dan menjala ikan sungai tidak seperti sediakala.

"Saya menjadikan aktiviti menjala sebagai pendapatan sampingan, namun hasil kian terjejas kerana setiap kali jala dilemparkan, hanya ikan bandaraya sahaja yang diperoleh.



Sebanyak 22,000 kilogram berjaya ditangkap oleh ahli Pertubuhan Komuniti Pemburu Ikan Bandaraya sejak penghujung 2022.

"Menyedari keadaan itu, saya mula memburu ikan tersebut pada tahun 2022 sebelum bergerak secara berkumpulan," ujarnya.

Menurutnya, jika dia tidak berbuat demikian maka hidupan sungai dan tebing akan musnah kerana ikan bandaraya bertelur dengan cara menebuk dinding sungai.

Kesan daripada aktiviti ikan bandaraya itu, Mohd Nur Badri memaklumkan, ia akan mendorong kepada hakisan sekali gus menyebabkan dasar sungai

menjadi cetek.

"Sifat ikan bandaraya ini, ia tidak akan berkongsi lubang dengan ikan lain. Jika mahu bertelur, ia akan mengorek lubang baharu.

"Jika ada 1,000 ikan mahu bertelur maka 1,000 lubang baharu akan ditebuk. Dalam hal ini, kita boleh bayangkan kemusnahan sungai disebabkan ikan ini," ujarnya.

Sementara itu, pemburu ikan baung ekor merah, Muhammad Faizal Mohd Rashid, 39, berkata, dia memulakan penangkapan

hidupan berkenaan pada Oktober tahun lalu.

Menurutnya, sepanjang tempoh itu sehingga kini, dia berjaya menangkap 100 ekor ikan yang berat keseluruhan hampir mencecah satu tan.

Kata Muhammad Faizal, punca utama yang mendorong perburuan itu adalah disebabkan hasil tangkapan ikan asal daripada aktiviti memancing semakin berkurang.

"Sebaik sahaja mengetahui ikan baung ekor merah ini menganggu ekosistem sungai, saya terus memulakan penangkapan hidupan itu.

"Setakat ini, aktiviti perburuan ikan itu hanya dilakukan di sungai berhampiran Universiti Selangor (Unisel) cawangan Bestari Jaya," ujarnya.

Tambah Muhammad Faizal, masa dan mencari lokasi keberadaan ikan baung ekor merah menjadi cabaran utama dalam aktiviti penangkapan itu.

"Aktiviti penangkapan biasanya dilakukan pada waktu malam dan lokasi ikan ini tinggal sukar untuk ditemukan.

"Untuk kita tahu tentang keberadaan hidupan ini sangat sukar. Bukan itu sahaja, ikan baung ekor merah juga memiliki sifat malas untuk bergerak. Umpan hanya akan dimakan apabila ia berada di hadapannya," jelasnya.

Ganjaran buru 'serigala merah' di Selangor

SHAH ALAM - Kerajaan negeri mempertimbangkan pemberian ganjaran kepada mereka yang berjaya menangkap ikan baung ekor merah bagi mengurangkan populasi ikan pendarang itu di Sungai Serai.

Menteri Besar, Datuk Seri Amirudin Shari berkata, sebelum ini insentif RM1 telah ditawarkan bagi setiap kilogram tangkapan ikan bandaraya sebagai langkah memulihara sungai dan spesies tempatan.

"Saya yakin macam mana kita tangani ikan bandaraya begitu juga tawaran untuk menangkap ikan baung ekor merah seperti sebab ia mengganggu ekosistem.

"Ini mungkin langkah-langkah di bawah Jabatan Perikanan dan saya akan dapatkan perincian. Hal ini akan dibincangkan dengan terperinci



FOTO: GRUP RMH

Seekor ikan baung ekor merah seberat 30 kilogram berjaya didaratkan pemancing di Sungai Selangor.

oleh Exco Infrastruktur dan Pertanian Selangor, Ir Izham Hashim," katanya kepada Sinar Harian.

Terdahulu, baung ekor merah yang turut digelar 'serigala merah' kembali menarik perhatian kalangan kaki pancing susulan Jabatan Perikanan (DOF) Negeri Selangor dan Universiti Malaysia

Terengganu menawarkan ganjaran wang tunai.

Tawaran itu menyebut, sebanyak RM50 diberikan kepada yang berjaya menangkap ikan berkenaan yang mempunyai tag atau bertanda di sekitar Sungai Rantau Panjang, Bestari Jaya bermula Ogos lalu sehingga 30 September.

Aligator gar, ikan bongkok antara 49 ikan larangan dirampas

IPOH - Jabatan Perikanan Negeri Perak menyita 49 ekor ikan larangan termasuk tiga aligator gar dianggarkan bernilai RM10,000 dalam satu pemeriksaan di sebuah premis ikan hiasan di Kampung Tawas di sini pada Isnin.

Operasi itu turut menemui dua amazon redtail, 42 ikan bongkok atau geophagus dan seekor gulper catfish serta flower horn.

Pemilik premis berusia 40-an mengakui membeli ikan pemangsa tersebut sejak 10 tahun lalu atas alasan tidak mengetahui peraturan yang ditetapkan.

Exco Pembangunan Luar Bandar, Perlindungan, Pertanian dan Industri Makanan negeri, Datuk Mohd Zolkafly Harun berkata, lang-

kah proaktif itu diambil bagi mengawal sebarang aktiviti berkaitan dengan ikan larangan sejajar Peraturan-Peraturan Perikanan (Larangan Import, dsb, Bagi Ikan) (Pindaan) 2024.

Menurut beliau, peraturan tersebut telah menyenaraikan tujuh genus ikan larangan iaitu serrasalmus/ serrasalmus/ pygocentrus/catoplian, pygopristis, colossoma/ piractus, Mylossoma, Mylopus/ Myleus, pristobrycon dan myletes.

"Operasi ini diadakan bagi memantau premis atau kedai ikan hiasan yang menjalankan aktiviti mengimport, memiliki, menjual, menternak dan memamer (5M). Premis 5M adalah diwajibkan berdaftar dan mendapatkan Sijil Kebenaran Ikan Larangan daripada Jabatan Perikanan Malaysia," katanya.

UTUSAN MALAYSIA		KOSMO!	/	THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF		/	NEGATIF		NEUTRAL			6	8-10-2024

Kerjasama agensi pertanian memudahkan proses banci

PETALING JAYA - Jabatan Perangkaan (DOSM) sehingga 3 Oktober lalu berjaya mencapai 100 peratus bagi proses Banci Pertanian 2024 di seluruh negara dengan pecahan sebanyak 1,179,173 (100.1 peratus) tempat kediaman serta sebanyak 18,318 (92.7 peratus) pertubuhan.

Ketua Perangkawan, Datuk Seri Dr. Mohd. Uzir Mahidin berkata, angka tersebut daripada sejumlah 1,197,309 pegangan pertanian terlibat dalam pembancian dengan bilangan tempat kediaman sebanyak 1,177,556 (98.4 peratus) dan pertubuhan sebanyak 19,753 (1.6 peratus).

Menurutnya, menerusi operasi bancian yang dilaksanakan di Wilayah Persekutuan Labuan pula, ia mencapai 103.1 peratus untuk tempat kediaman dan 126.3 peratus pertubuhan yang menjalankan pertanian.

"Daripada lawatan itu, sebanyak 99.3 peratus tempat kediaman pertanian dan 79.2 peratus pertubuhan pertanian daripada keseluruhan selesai dibanci.

"Ia diperoleh dengan kerjasama penuh daripada semua pihak terutama pengusaha dan agensi pertanian di Labuan seperti Jabatan Pertanian, Jabatan



MOHD. UZIR (tengah) melawat perusahaan ikan bilis di Kampung Bebuloh Laut di Labuan Jumaat lalu.

Perikanan dan Jabatan Perkhidmatan Veterinar," katanya dalam kenyataan semalam.

Mohd. Uzir merangkap Pesuruhjaya Banci berkata, Banci Pertanian 2024 penting untuk melengkapi proses pengumpulan data pertanian di peringkat hulu merangkumi sektor tanaman, ternakan, perikanan tangkapan dan akuakultur, selain perhutanan dan pembalakan.

"Banci Pertanian menyediakan data utama tentang profil pegangan pertanian seperti mak-

lumat demografi, hasil pertanian, kos input, saiz ladang, penggunaan dan pemilikan tanah, mekanisasi serta penggunaan teknologi.

"Statistik pertanian ini digunakan untuk merangka dasar dan program jangka pendek dan panjang serta meningkatkan keterjaminan makanan, produktiviti serta mempromosikan pertanian mampan," jelasnya.

Terdahulu, DOSM melaksanakan Banci Pertanian 2024 bermula 7 Julai sehingga 10 Oktober ini.